

四庫全書

史部

欽定四庫全書

欽定大清會典卷四十五

禮部

祠祭清吏司

中祀二

凡祭

前代帝王之禮為廟於

皇城之西殿曰景德崇聖內設七室中一室奉

太昊伏羲氏

炎帝神農氏

黃帝軒轅氏東一室奉

少昊金天氏

顓頊高陽氏

帝嚳高辛氏

帝堯陶唐氏

帝舜有虞氏西一室奉

夏王禹啟仲康少康杼槐芒泄不降扃廩孔甲皐發  
商王湯太甲沃丁太庚小甲雍已太戊仲丁外壬河亶  
甲祖乙祖辛沃甲祖丁南庚陽甲盤庚小辛小乙  
武丁祖庚祖甲廩辛庚丁太丁帝乙東二室奉

周武王成王康王昭王穆王共王懿王孝王夷王宣  
王平王桓王莊王僖王惠王襄王頃王匡王定王  
簡王靈王景王悼王敬王元王貞定王考王威  
烈王安王烈王顯王慎靚王西二室奉

漢高祖惠帝文帝景帝武帝昭帝宣帝元帝成帝哀帝  
光武帝明帝章帝和帝殤帝安帝順帝冲帝昭烈帝  
晉元帝明帝成帝康帝穆帝哀帝簡文帝

宋文帝明帝孝武帝

齊武帝

陳文帝宣帝

魏道武帝明元帝太武帝文成帝獻文帝孝文帝宣

武帝孝明帝東三室奉

唐高祖太宗高宗睿宗元宗肅宗代宗德宗順宗憲宗穆宗文宗武宗宣宗懿宗僖宗

後唐明宗

後周世宗

宋太祖太宗真宗仁宗英宗神宗哲宗高宗孝宗光宗寧宗理宗度宗端宗

遼太祖太宗景宗聖宗興宗道宗西三室奉

金太祖太宗世宗章宗宣宗哀宗

元太祖太宗定宗憲宗世祖成宗武宗仁宗泰定帝

文宗寧宗

明太祖惠帝成祖仁宗宣宗英宗景宗憲宗孝宗武宗

世宗穆宗愍帝位均南嚮凡異代同室者隔別之

○兩廡各以其名臣配饗東廡風后倉頡夔伯夷

伊尹傳說召公奭畢公高召穆公虎仲山甫張良

曹參周勃魏相鄧禹耿弇諸葛亮房元齡李靖宋

璟郭子儀許遠李晟裴度曹彬李沆王曾富弼文

彥博李綱韓世忠文天祥宗翰穆呼哩布呼密  
徐達常遇春楊士奇于謙劉大夏位均西嚮西  
庶力牧臯陶龍伯益仲虺周公旦太公望呂侯  
方叔尹吉甫蕭何陳平劉章丙吉馮異馬援趙  
雲杜如晦狄仁傑姚崇張巡李泌陸贄耶律赫  
嚙呂蒙正寇準范仲淹韓琦司馬光趙鼎岳飛  
幹魯宗望巴延托克托劉基李文忠楊榮李賢  
位均東嚮歲以春秋仲月諏日遣官致祭



皇帝特行宗典則

親詣行禮

景德崇聖殿中

三皇各一案

五帝共三案夏商周代設一案其餘每室三案每位帛一

每室牛一羊一豕一尊一每案登一鉶二簋簋

各二籩豆各十爵三鑪一鐙二兩廡各設十案每

位帛一爵三每案鉶二簋簋各二籩豆各四東西

各羊二豕二尊二鑪四鐙八先祭一日樂部設中

和韶樂於殿外階上分左右懸鑾儀衛陳法駕鹵簿於

午門外日出前六刻太常卿詣

乾清門告時

皇帝御祭服乘禮輿出宮前引後扈如常儀

駕發警蹕

午門鳴鍾法駕鹵簿前導不陪祀王公百官咸朝服

跪送導迎鼓吹設而不作鑾儀衛校鳴廟內鐘

皇帝至廟由中門入至景德門降輿贊引太常卿二人恭導

皇帝入大次少憩太常卿奏請行禮

皇帝出幄次盥洗贊引官恭導

皇帝由景德中門陞中階入殿中門至拜位前北嚮立

太常贊禮郎引分獻官至階下夾甬道立鴻臚官

引陪祀王公位殿外階上百官位階下左右序立

均北面典儀官贊樂舞生登歌執事官各共迺職

以下自迎神至送神皆典儀官唱贊

武舞八佾進贊引官奏就位

皇帝就拜位立迺迎

神司香官各奉香盤進司樂官贊舉迎

神樂奏肇平之章

凡舉樂皆司樂官唱贊

贊引官奏就上香位

恭導

皇帝詣

太昊伏羲氏香案前司香官跪進香贊引官奏上香

皇帝立上柱香次三上辦香畢以次詣

炎帝神農氏

黃帝軒轅氏香案前上香儀同各室司香官詣各香

案前上香贊引官奏復位

皇帝復位奏跪拜興

以下行禮  
皆有奏

皇帝行二跪六拜禮王公百官皆隨行禮奠帛行初

獻禮司帛官奉篚司爵官奉爵以次進奏興平

之章舞干戚之舞司帛司爵各詣

神位前司帛官跪奠帛三叩司爵官立獻爵奠正中

兩廡分獻官上香執事生奠帛獻爵如儀皆退  
司祝至祝案前跪三叩奉祝版跪案左樂暫止  
皇帝跪羣臣皆跪司祝讀祝畢詣

太昊伏羲氏位前跪安於案三叩退樂作

皇帝率羣臣行三拜禮興樂止武功之舞退文舞八  
佾進行亞獻禮奏崇平之章舞羽籥之舞司爵  
官獻爵奠於左儀如初獻行終獻禮奏恬平之  
章

舞同  
亞獻

司爵官獻爵奠於右儀如亞獻兩廡畢

獻儀如初樂止文德之舞退太常官贊答福胙  
光祿卿二人自東案奉福胙進至

太昊伏羲氏位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率羣

臣行二跪六拜禮徹饌奏淳平之章徹饌畢送

神奏匡平之章

皇帝率羣臣行二跪六拜禮有司奉祝次帛次饌次  
香恭送燎所

皇帝轉立拜位旁西嚮候祝帛過復位樂作祝帛燎  
半奏禮成恭導

皇帝由景德中門出陞禮輿導迎樂作奏祐平之章  
皇帝回鑾王公從百官以次退不陪祀王公百官於  
午門外跪迎

午門鳴鐘王公隨



駕入至內金水橋恭候

皇帝還宮各退○遣官王公由景德門左門入於階  
上大臣由左旁門入於階下均行三跪九叩禮  
讀祝王公引入殿內大臣引至階上贊引以太  
常贊禮郎上香時贊就上香位引承祭官進

殿詣

三皇案前上香

五帝以下均執事官上香升降自東階出入由殿左

門祝帛送燎所避立西旁東面不飲福受胙王  
公等不陪祭餘均如儀○

皇帝巡狩方嶽所至之地遣

行在三品以上官致祭

帝王陵寢在三十里以內者其功德隆重之君間

親詣行禮至日昧爽

行在鑾儀衛陳騎駕鹵簿於

行宮門外扈從王公暨文武官應陪祭者均陪祭

守土官文知府武副將以上亦如之咸采服日

出前三刻

行在太常卿詣

行宮告時

皇帝御龍袍袞服乘輿出行宮前引後扈如常儀不

陪祭扈從官咸集

行宮前跪送

駕發警蹕及祭所不陪祭守土官朝服跪迎廟中不

設樂舞不飲福受胙餘儀與

京師廟祭禮同○恭遇

國家大慶舉行典禮遣官齎祭文香帛祭

伏羲氏陵於淮寧

女媧氏於趙城

神農氏於鄆

軒轅氏於中部

少昊氏於曲阜

高陽氏

高辛氏於滑

陶唐氏於濮

有虞氏於寧遠

夏王禹於會稽

商王湯於滎河中宗於內黃高宗於西華

周文王武王成王康王於咸陽

漢高祖於涇陽文帝於咸寧宣帝於長安光武帝於

孟津

後魏孝文帝於富平

宋開寶中葬  
衣冠之地

唐高祖於三原太宗於醴泉憲宗於蒲城宣宗於涇

陽

後周世宗於鄭

宋太祖太宗真宗仁宗於鞏

遼太祖於廣寧

金太祖世宗於房山

元太祖世祖於宛平

城北望祭

明太祖於江寧宣宗孝宗世宗於昌平所在有司具

帛一牛一羊一豕一登一鉶二簋簋各二籩豆

各十尊一爵三遣官前祭期致齋二日將事行


禮與遣官祭

嶽鎮海瀆儀同○所在直省府州縣歲於春秋仲月

諏日致祭以正官將事用羊一豕一餘與遣官

致祭同

帝王廟總圖








帝王廟祭祀陳設圖  
正位南嚮

正位

兩廡陳設圖  
配位東西嚮

配位



凡釋奠於

先師之禮為廟於城東北隅太學之東殿曰大成以  
四配十二哲侑饗殿中以先賢先儒從祀兩廡  
先師孔子正位南嚮四配復聖顏子述聖子思子東  
位西嚮宗聖曾子亞聖孟子西位東嚮東序先  
賢閔子損冉子雍端木子賜仲子由卜子商有  
子若西序先賢冉子耕宰子子冉子求言子偃  
顓孫子師朱子熹位均東西嚮東廡先賢蘧瑗

澹臺滅明原憲南宮适商瞿漆雕開司馬耕梁  
鱣冉孺伯虔冉季漆雕徒父漆雕哆公西赤任  
不齊公良孺公肩定鄆單罕父黑榮旂左人郢  
鄭國原亢廉潔叔仲會公西與如邾巽陳亢琴  
張步叔乘秦非顏噲顏何縣亶樂正克萬章周  
敦頤程顥邵雍位西嚮西廡先賢林放宓不齊  
公冶長公皙哀高柴樊須商澤巫馬施顏辛曹  
卹公孫龍秦商顏高壤駟赤石作蜀公夏首后

處奚容藏顏祖句井疆秦祖縣成公祖句茲燕  
伋樂欬狄黑孔忠公西歲顏之僕施之常申棧  
左丘明秦冉牧皮公都子公孫丑張載程頤位  
東嚮東廡先儒公羊高伏勝董仲舒后蒼杜子  
春諸葛亮王通范仲淹歐陽修楊時羅從彥李  
侗呂祖謙蔡沈陳淳魏了翁王栢趙復許謙吳  
澄胡居仁王守仁羅欽順西廡先儒穀梁赤高  
堂生孔安國毛萇鄭康成范甯韓愈胡瑗司馬

光尹煒胡安國張栻陸九淵黃幹真德秀何基  
陳澔金履祥許衡薛瑄陳獻章蔡清陸隴其位  
均東西嚮廟後建祠曰崇聖中設

肇聖王木金父左

裕聖王祈父右

詒聖王防叔左次

昌聖王伯夏右次

啓聖王叔梁紇位皆南嚮祠內配饗先賢顏無繇孔

鯉東位西嚮曾點孟孫氏西位東嚮兩廡從祀  
先儒東廡周輔成程珦蔡元定西廡張廸朱松  
年位均東西嚮歲以春秋仲月上丁遣官釋奠  
皇帝特舉崇典則

親詣行禮

先師位前帛一牛一羊一豕一登一鉶二簋各二  
籩豆各十尊一爵三鑪一鐙二四配各帛一羊  
一豕一鉶二簋各二籩豆各八爵三鑪一鐙

二東西各尊一十二拈各帛一鉶一簠簋各一  
籩豆各四爵三東西各羊一豕一尊一鑪一鐙  
二兩廡二位共一案每位爵一每案簠簋各一  
籩豆各四東西各羊三豕三尊三統設香案二  
每案帛一爵三鑪一鐙二牲載於俎帛正位四  
配異篚十二拈東西共篚尊實酒疏布幕勺具  
崇聖祠正位前各帛一羊一豕一鉶二簠簋各二  
籩豆各八爵三尊一鑪一鐙二四配各帛一簠



簋各一籩豆各四爵三東西各羊一豕一尊一  
鑪一鐙二兩廡東二案西一案均簠簋各一籩  
豆各四每位爵一東西各帛一羊一豕一尊一  
鑪一鐙二俎篚幕勺具先祭一日樂部設中和  
韶樂於

大成殿外階上分左右懸至日五鼓鑾儀衛陳法  
駕鹵簿於

午門外日出前六刻太常卿詣

乾清門告時

皇帝御祭服乘禮輿出宮前引後扈如常儀

駕發警蹕

午門鳴鐘法駕鹵簿前導不陪祀王公百官咸朝

服跪送導迎鼓吹設而不作

皇帝至廟門外降輿贊引太常卿二人恭導由中門

入至更衣大次少憩太常卿奏請行禮

皇帝出大次盥洗贊引官恭導

皇帝入大成中門由中階入殿中門至拜位前北嚮  
立太常贊禮郎引分獻官至階下夾甬道立鴻  
臚官引陪祀王公位殿外階上百官位階下左  
右序立均北面典儀官贊樂舞生登歌執事官  
各共迺職以下自迎神至送神皆典儀官唱贊文舞六佾進贊引  
官奏就位

皇帝就拜位立迺迎

神司香官奉香盤進司樂官贊舉迎

神樂奏昭平之章

凡舉樂皆司樂官唱贊

贊引官奏就上香位

恭導

皇帝詣

先師香案前立司香官跪進香贊引官奏上香

皇帝立上柱香次三上瓣香奏復位

皇帝復位奏跪拜興

以下行禮皆有奏

皇帝行二跪六拜禮王公百官均隨行禮奠帛行初

獻禮司帛官奉篚司爵官奉爵進奏宣平之章

舞羽籥之舞司帛官詣

先師位前跪獻三叩司爵官詣

先師位前立獻奠正中皆退分獻官各詣四配十二  
哲兩廡先賢先儒位前上香奠獻如儀司祝至  
祝案前跪三叩奉祝版跪案左樂暫止

皇帝跪羣臣皆跪司祝讀祝畢詣

先師位前跪安於案三叩退樂作

皇帝率羣臣行三拜禮興行亞獻禮奏秩平之章

舞同

初獻司爵官詣

先師位前獻爵奠於左儀如初獻行終獻禮奏叙平

之章

舞同亞獻

司爵官詣

先師位前獻爵奠於右儀如亞獻分獻官以次畢獻

均如初樂止文德之舞退乃徹饌奏懿平之章

徹饌畢送

神奏德平之章

皇帝率羣臣行二跪六拜禮有司奉祝次帛次饌次

香恭送燎所

皇帝轉立拜位旁西嚮候祝帛過復位樂作祝帛燎

半奏禮成恭導

皇帝由大成中門出先是

皇帝入大成門大次時贊引太常贊禮郎二人引

崇聖祠承祭官太常贊禮郎引分獻官均於祠門

外東面序立俟

皇帝出大次贊引引承祭官入祠左門分獻官隨入

承祭官盥洗畢引詣殿階下正中分獻官以次

序立於後均北面典儀贊執事官各共迺職

以下

自迎神至送神  
皆典儀唱贊

贊引官贊就位引承祭官就拜

位立迺迎

神司香奉香盤進贊引官贊就上香位引承祭官升

東階由殿左門入詣

肇聖王香案前立司香跪奉香贊引官贊跪承祭官

跪一叩贊上香承祭官上柱香次三上辦香一



叩興以次詣

裕聖王

詒聖王

昌聖王

啓聖王位前上香儀同贊復位引承祭官退至殿左

門北面揖出

凡出殿門皆揖

復位分獻官各詣四配位

兩廡從祀位前上香如儀皆復位贊引官贊跪

叩興

以下行禮皆有贊

承祭官行三跪九叩禮分獻官

均隨行禮奠帛行初獻禮執事生各奉篚執爵  
進承祭官入殿左門詣

神位前跪一叩司帛跪奉篚承祭官受篚拱舉奠於  
案司爵跪奉爵承祭官受爵拱舉奠於正中一  
叩興以次奠獻畢司祝至祝案前三叩奉祝版  
跪案左承祭官詣讀祝位跪司祝讀祝畢詣正  
中

神位前跪安於案三叩退承祭官行三叩禮畢仍由

殿左門出復位分獻官奠帛獻爵各如儀皆復  
位次亞獻奠爵於左次終獻奠爵於右四配兩  
廡畢獻儀均與初獻同徹饌送神承祭官及分  
獻官均行三跪九叩禮執事生奉祝次帛次饌  
次香恭送燎所承祭官避立西旁東面族祝帛  
過復位引詣望燎位望燎引承祭官退

皇帝至廟門外陞輿法駕鹵簿前導導迎樂作奏祐  
平之章

皇帝回鑾王公從各官以次退不陪祀王公百官於  
午門外跪迎

午門鳴鐘王公隨

駕入至內金水橋恭候

皇帝還宮各退○遣官王公由大成左門入於階上  
大學士由左旁門入於階下均行三跪九叩禮  
詣

先師

四配位前上香跪一叩上香畢復一叩興奠帛獻  
爵亦如之均退至殿門北面揖出兩序兩廡分  
獻官上香奠獻儀同承祭官飲福受胙送神畢  
引至望燎位望燎餘儀與遣官祭

帝王廟同○

皇帝臨雍講學行釋奠禮上香奠帛爵一獻樂三奏  
不讀祝翰林詹事官七品以上暨國子監官均  
陪祭行取衍聖公率五經博士孔氏族五人顏

曾等族各二人乘傳赴京及官

京師者咸與祭餘儀與春秋丁祭同○出師凱旋

告成

太學儀與春秋遣官行禮同○

特舉幸魯盛典釋奠於

闕里屆日昧爽守土大吏率屬清蹕除道

行在鑾儀衛陳騎駕鹵簿於

行宮門外分獻官扈從王公文官郎中武官叅領

以上守土文官知府武官副將以上衍聖公暨  
十三氏五經博士皆與祭咸采服日出前三刻  
太常卿詣

行宮告時

皇帝御龍袍袞服乘輿出行宮前引後扈如常儀不  
陪祭扈從官序立

行宮前跪送衍聖公率十三氏五經博士及不陪  
祭之守土官序立廟門前跪迎鴻臚官引陪祭

王公序立於奎文閣前各官東由金聲門入西  
由玉振門入序立於廟廷左右

駕至奎文閣前降輿贊引太常卿恭導

皇帝詣

大成殿正中拜位王公由東西階升位杏壇上分獻  
官暨百官位杏壇下均東西上北面序立迺行  
釋奠禮儀與春秋丁祭禮同

崇聖祠遣官同時致祭並如太學之禮○遇



國家大慶遣官詣

闕里致祭與遣官祭

帝王陵寢禮同○月朔國子監祭酒率師生行釋菜  
禮祭酒獻

先師四配所屬官分獻兩序兩廡

崇聖祠司業主獻所屬官分獻亦如之皆遵二豆  
一爵三獻升由東階降自西階就拜位行三跪  
九叩禮望日司業行禮儀同○直省府州縣歲

以春秋仲月上丁祭


先師於類宮會城以督撫學政將事司道府縣分獻  
學政巡試屬郡及道官之分駐各府者即於其  
地將事以府州縣分獻餘以正官將事佐貳分  
獻監禮以師儒贊引執事以生員中和韶樂羽  
籥之舞及牲登鉶簋簋籩豆尊爵之數將事之  
儀均如

太學丁祭禮○直省府州縣附廟左右各建忠孝


節孝名宦鄉賢四祠歲春秋釋奠禮畢教諭一人公服詣祠致祭各帛一羊一豕一遷四豆四尊一爵三讀祝望燎承祭官行三叩禮如儀



文廟總圖




文廟祭祀圖






文廟東西序陳設圖

從位東西嚮



文廟東西兩廡陳設圖

從位東西嚮




從位


六十二案同



崇聖祠祭祀圖



按



典儀

執擇  
爵

靜翁

頰孔氏

顏孔氏

昌聖王  
裕聖王

裕聖王

裕聖王  
榮聖王  
治聖王

治聖王  
啟聖王

紫祝

曾氏  
孟孫氏

曾氏  
孟孫氏

祝官 執爵

請奉執

索引  
索引


普  
專

位官遺

位官

分獻官

分獻官



崇聖祠祭祀陳設圖  
正位南嚮

正位

爵 爵 爵

剛和菜 盞 盞

籩 棗 棗 鹿脯  
醢 黍 稷 梁 雁 魚 栗  
豆 芹 韭 醢 薑 藟 醢  
醢 醢 醢 醢 醢 醢  
羊 豕 羊

燭 香 燭

燭

崇聖祠祭祀陳設圖  
配位東西嚮

配位

爵 爵 爵

籩 棗 棗 鹿脯  
醢 黍 稷 梁 雁 魚 栗  
豆 芹 韭 醢 薑 藟 醢  
醢 醢 醢 醢 醢 醢

俎 豕 羊

燭 香 燭  
簋 帛


燭

四案同

崇聖祠兩廡祭祀陳設圖  
從位東西嚮

從位

三案同



出

凡釋奠

傳心殿之禮為殿於

禁城內

文華殿之東每歲春秋仲月

皇帝御經筵先遣官祇告

傳心殿

皇師伏羲氏

皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王

王師周武王均正位南嚮

先聖周公東位西嚮

先師孔子西位東嚮

皇師

帝師

王師位各一案每案帛一釧一籩二豆二爵三鑪一

鐙二尊共一篚共一

先聖

先師位各一案每案帛一釧一籩二爵三尊一篚一

鑪一鐙二帛爵均豫設恭遇

皇帝親詣行禮日出前三刻太常卿詣

乾清門奏請行禮

皇帝御袞服乘輿出宮前引後扈如常儀

皇帝入

文華門降輿贊引太常卿二人自殿垣西門恭導

由景行門入

傳心殿中門就拜位前北嚮立典儀官贊執事官

各共迺職贊引官奏就位

皇帝就拜位立司香官各奉香盤進贊引官恭導

皇帝詣

皇師伏羲氏位前司香官跪進香贊引官奏上香

皇帝立上柱香次三上瓣香以次詣各

神位前上香畢復位贊引官奏跪拜興

皇帝行二跪六拜禮司祝至祝案前跪三叩奉祝版

跪案左贊引官奏跪

皇帝跪贊讀祝司祝讀祝畢詣



皇師位前跪安於案三叩退

皇帝行二跪六拜禮典儀官贊奉祝帛詣燎位有司

奉祝次帛次香恭送燎所

皇帝轉立拜位旁西嚮候祝帛過復位祝帛燎半奏

禮成恭導

皇帝出景行門詣

文華殿


御經筵禮成陞輿還宮○遣官祇告由

殿垣東門入循景行門東夾道詣

傳心殿階下正中行三跪九叩禮祝帛送燎所避  
立西旁東面餘如儀○每月朔望太常寺堂官

一人詣

傳心殿陳酒果上香行禮



欽定大清會典卷四十五

# 欽定四庫全書

史部

欽定大清會典卷

四十六至  
五十

詳校官檢討<sub>臣</sub>劉 炘

編修<sub>臣</sub>程嘉謨覆勘

總校官進士<sub>臣</sub>楊懋珩

校對官中書<sub>臣</sub>楊世綸

謄錄監生<sub>臣</sub>姚元烺

欽定四庫全書

欽定大清會典卷四十六

禮部

祠祭清吏司

中祀三

凡饗

先農之禮為壇一成於

正陽門外藉田之西歲以仲春吉亥

皇帝躬耕

帝耜於南郊迺親饗

先農之神以祈先嗇

先農神位南嚮設黃幄帛一牛一羊一豕一豝一鉶

二簠簋各二籩豆各十尊一爵三琖三十鑪一

鐙二豫日樂部設中和韶樂於壇下分左右懸

祭日鑾儀衛陳法駕鹵簿於

午門外辰時三刻太常卿詣

乾清門告時

皇帝御祭服乘禮輿出宮前引後扈如常儀

駕發警蹕

午門鳴鐘法駕鹵簿前導不陪祀王公百官咸朝

服跪送導迎鼓吹設而不作禮部尚書率太常

官恭請

神位安奉黃幄畢贊引太常卿二人恭導

皇帝入壇東門內降輿盥洗由午階陞壇至黃幄次

拜位前北嚮立鴻臚官引陪祀王公百官於壇

下左右序立均北面典儀官贊樂舞生登歌執

事官各共迺職

以下自瘞毛血迎神至送神望瘞皆典儀官唱贊

武舞

八佾進贊引官奏就位

皇帝就拜位立迺瘞毛血迎

神司香官奉香盤進司樂官贊舉迎

神樂奏永豐之章

凡舉樂皆司樂官唱贊後同

贊引官奏就上香

位恭導



皇帝詣香案前立司香官跪進香贊引官奏上香

皇帝立上柱香次三上瓣香奏復位

皇帝復位奏跪拜興

以下行禮皆有奏

皇帝行三跪九拜禮王公百官均隨行禮奠帛爵行

初獻禮司帛官奉篚司爵官奉爵詣

神位前奏時豐之章舞干戚之舞司帛官跪奠帛三

叩司爵官跪獻爵奠正中皆退司祝至祝案前

跪三叩奉祝版跪案左樂暫止

皇帝跪羣臣皆跪司祝讀祝畢詣

神位前跪安於案三叩退樂作

皇帝率羣臣行三拜禮興樂止武功之舞退大舞八

佾進行亞獻禮奏咸豐之章舞羽籥之舞司爵

官跪獻爵奠於左儀如初獻行終獻禮奏大豐

之章

舞同  
亞獻

司爵官跪獻爵奠於右儀如亞獻樂

止文德之舞退太常官贊答福胙光祿卿二人

就東案奉福胙至

神位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙昨受胙亦如之三拜興率

羣臣行二跪六拜禮徹饌奏屢豐之章徹饌畢

送

神奏報豐之章

皇帝率羣臣行三跪九拜禮有司奉祝次帛次饌次

香恭送瘞所

皇帝轉立拜位旁西嚮候祝帛過復位迺望瘞奏慶

豐之章恭導

皇帝降階詣望瘞位望瘞奏禮成恭導

皇帝詣

太歲殿上香畢入具服殿更衣禮部尚書率太常官

恭請

神位還御王公百官出壇西門更衣入恭蒞

皇帝行躬耕禮

詳見儀制司

○遣官行禮由壇西門入行

禮於壇下上香時太常贊禮郎贊升壇升降均

由東階不飲福受昨王公不陪祭禮成順天府

尹率屬行耕藉禮○奉天府尹直省督撫率所


屬府州縣均歲以仲春吉亥行耕藉禮各於治

所東郊建

先農壇朝服行禮用帛一羊一豕一鉶二簠簋各二

籩豆各四尊一爵三餘儀與直省祭

社稷壇同禮成更采服率屬行耕藉禮







先農壇祭祀陳設圖  
正位南嚮

四

芡  
鹿脯  
白餅  
黑餅

棗  
栗  
榛  
菱

鹽醯

爵酒

銅和羹

爵盃

簠黍

爵十

銅和羹

簠黍

稷

筐帛

俎

羊

爵三

簠黍

粱

俎

牛

爵十

銅和羹

韭醯

粱

俎

豕

豆蕡

鹿醢

芹醢

兔醢

簠黍

魚醢

脾析


豚拍

燭

香

燭

先農壇遣官祭祀圖



正位

欽天監  
司農司  
工部

欽天監  
司農司  
工部

工部

遣官拜位

欽天監

司農司

凡饗

先蠶之禮為壇一成於西苑之東北歲以季春吉巳  
皇后躬親蠶事迺饗

先蠶之神以率女紅

先蠶神位南嚮設黃幄帛一牛一羊一豕一登一鉶  
一簋簋各二籩豆各十尊一爵三琖三十鑪一  
鐙二豫日樂部率掌儀司內監設樂於壇下左  
右祭日鑾儀衛率內監陳

皇后儀駕於

順貞門外辰時五刻太常卿暨內務府總管詣

乾清門告時宮殿監督領侍轉奏

皇后禮服乘鳳輿出宮儀駕前導陪祀

妃

嬪咸乘輿從由

順貞門神武門北上門入陟山門至壇門外降輿

前引女官十人贊引女官二人恭導

皇后由左門入至具服殿

妃

嬪入配殿恭候傳贊女官引公主福晉命婦位於壇下東西面蠶宮令恭請

先蠶神位安奉黃幄畢相儀女官奏請行禮

皇后出具服殿盥洗

妃

嬪隨行贊引女官恭導

皇后由午階陞壇至黃幄次拜位前北嚮立前引女  
官十人於階下兩旁序立相儀女官二人隨升  
壇左右稍後僉立傳贊女官引陪祀

妃

嬪公主福晉命婦於壇下各就位序立均北面典

儀女官贊執事官各共迺職

以下自迎神至送神皆與儀唱贊

贊引奏就位

皇后就拜位立迺瘞毛血迎

神司香女官奉香盤進司樂女官贊舉迎

神樂奏麻平之章

凡舉樂皆司樂唱贊

贊引奏就上香位恭導

皇后詣香案前司香女官跪進香贊引奏跪

皇后跪奏上香

皇后上柱香次三上辦香奏復位

皇后復位奏跪拜興

以下行禮皆有奏

皇后行六肅三跪三拜禮

妃

嬪以下均隨行禮奠帛行初獻禮司帛女官奉篚  
司爵女官奉爵詣

神位前奏承平之章司帛跪奠帛一叩司爵跪獻爵  
奠正中皆退行亞獻禮奏均平之章司爵跪獻  
爵奠於左儀如初獻行終獻禮奏齊平之章司  
爵跪獻爵奠於右儀如亞獻樂止女官一人贊  
答福胙奉福胙女官二人就東案奉福胙至  
神位前拱舉降立於



皇后拜位之右受福胙女官二人進立於左

皇后跪左右執事女官皆跪右官進福酒

皇后受爵拱舉授左官進胙受胙亦如之行一拜禮

興率

妃

嬪以下行四肅二跪二拜禮徹饌奏柔平之章徹

饌畢送

神奏洽平之章

皇后率

妃

嬪以下行六肅三跪三拜禮執事女官奉帛次饌

次香恭送瘞所

皇后轉立拜位旁西嚮候帛饌過復位迺望瘞樂作

恭導

皇后降階詣望瘞位望瘞奏禮成恭導

皇后至具服殿更衣蠶宮令恭奉

神位還御

皇后乘輿還宮

妃

嬪從公主福晉命婦以次退翼日行

躬桑禮

詳見儀制司

○遣

妃恭代行禮至壇門外降輿由右門入行禮於壇

下上香時贊引女官贊升壇升降皆由東階不

飲福受胙

妃

嬪不陪祀餘儀同翼日蠶宮令監視蠶母蠶婦行


採桑禮○如

皇帝遣官行禮與饗


先農禮同

欽定大清會典卷四十六

先慈壇總圖



先蠶壇祭祀圖



命婦福晉公主 主公晉福婦命

嬪 遣妃拜位

拜位 西王母 東王母

歌工

歌工

受福酒 受福酢

奉福酒 奉福酢 奉福茶 奉福飯

正位

池瘞

望瘞位

官女瘞掌

先蠶壇陳設圖

正位

壽酒

三

壽  
十

劍和羹



遷(來)

(炎)

(鹿脯)

白餅

(黑餅)

(請)



棗

（美）

簾叅

稷

籬

市

(羊)

(牛)

(豕)

(燭)

(香)

(燭)

藍稻

梁

斐沚



豆豉

虎

紫雲

兔


笋

黃龍

脾

豚

先蠶壇遣官祭祀圖





欽定四庫全書

欽定大清會典卷四十七

禮部

祠祭清吏司

中祀四

凡祀

天神之禮為壇一成於

正陽門外設石龕四於壇北皆鏤以雲文以奉

雲師

雨師

風伯

雷師之神均南嚮歲孟夏常雩後如不雨諏日遣官

祇告祈雨

天神位前各陳脯醢果實帛一爵三尊一鑪一鐙二  
先祈告一日樂部設中和韶樂於壇下分左右  
懸祀日日出前二刻遣官詣壇太常卿率所屬

恭請

神位奉安各龕內贊引太常贊禮郎二人引遣官由

外壝左門入至內壝南左門贊盥洗遣官盥洗

入門至壇下拜位前立鴻臚寺官引陪祀各官

至內壝南門外左右序立均北面典儀官贊樂

舞生登歌執事官各共迺職

以下自迎神至送神均典禮官唱贊

武舞八佾進贊引官贊就位引遣官就拜位立

迺迎

神司香官奉香盤進司樂官贊舉迎

神樂

凡舉樂皆司樂官唱贊

奏祈豐之章贊引官贊升壇引遣

官由東階升詣

雲師香案前司香官跪奉香贊引官贊上香遣官上

柱香次三上辦香以次詣

雨師

風伯

雷師前上香儀同贊復位引遣官降階復位贊跪叩

興

以下行禮皆有贊

遣官行三跪九叩禮陪祀各官均

隨行禮奠帛初獻爵司帛官奉篚司爵官奉爵  
各以次進奏華豐之章舞千戚之舞司帛官跪  
奠篚三叩司爵官立獻爵奠正中皆退司祝至  
祝案前跪三叩奉祝版跪案左樂暫止遣官以  
下皆跪司祝讀祝畢詣

神位前跪安於案三叩退樂作遣官暨陪祀各官行  
三叩禮樂止武功之舞退丈舞八佾進亞獻奏

興豐之章舞羽籥之舞司爵官獻爵奠於左儀  
如初獻終獻奏儀豐之章舞同司爵官獻爵奠  
於右儀如亞獻樂止文德之舞退徹饌奏和豐  
之章徹饌畢送

神奏錫豐之章遣官行三跪九叩禮陪祀各官均隨  
行禮有司奉祝次帛次香共送燎所遣官轉立  
西旁東面候祝帛過復位樂作引詣望燎位望  
燎贊引官告禮成引遣官退太常卿率所屬恭

奉

神位還御陪祀官皆退○得雨霑足後諏日遣原祈

官報祀

天神位前各帛一爵三登一釂一簋二簋二籩十豆

十尊一鑪一鐙二共牛一羊一豕一樂章禮儀

均與祈告同

凡祭

地祇之禮為

壇一成於

天神壇西設石龕五於

壇南鏤山文者三水文者二以奉

五嶽

五鎮

五陵山

四海

四瀆之祇均北嚮設石龕二於東石龕二於西各鏤



山文者一水文者一東奉

京畿名山

京畿大川之祇西嚮西奉

天下名山

天下大川之祇東嚮歲孟夏常雩後如不雨遣官  
祇告祈雨與

天神壇同日舉行壇上北嚮五案東西嚮各一案皆  
陳脯醢果實尊一鑪一鐙二每位帛一爵三遣

官入外壝右門由內壝北右門詣拜位陪祀各  
官拜於內壝北門外有司奉祝帛香送瘞所引  
詣望瘞位望瘞其餘樂章禮儀均與祈告

天神同○得雨報祭

地祇位七案皆登一鉶一簋二簋二籩十豆十尊一  
鑪一鐙二每位帛一爵三共牛一羊一豕一餘  
與

天神壇報祀同○水潦祈晴冬旱祈雪遣官祇告

天神

地祈既應而報禮亦如之○

皇帝時巡所至

親祭方嶽

嶽神位前帛一牛一羊一豕一登一鉶二簠二簋二  
籩十豆十尊一爵三鑪一鐙二先祭一日

行在樂部設中和韶樂於殿外階上分左右懸所司  
設大次於戟門外南嚮至日昧爽

行在鑾儀衛陳騎駕鹵簿於

行宮門外扈從王公暨文武官陪祭如常儀地方

文官知府武官副將以上與朝臣陪祭者以其

班序

班詳儀制司

咸采服日出前三刻

行在太常卿詣

行宮告時

皇帝御龍袍袞服乘輿出行宮前引後扈如常儀不

陪祭扈從各官咸集

行宮前跪送

駕發警蹕及

嶽廟不陪祭地方官序列跪迎

皇帝入廟中門至戟門降輿入大次少憩太常卿奏  
請行禮

皇帝出大次盥洗贊引太常卿二人恭導

皇帝由戟門中門陞中階入殿中門至拜位前北嚮  
立鴻臚官引王公位階上百官位階下左右序

立均北面典儀官贊樂舞生登歌執事官各共

迺職

以下自迎神至送神皆典儀官唱贊

贊引官奏就位

皇帝就拜位迺瘞毛血迎

神司香官奉香盤進司樂官贊舉迎

神樂奏祈豐之章贊引官奏就上香位恭導

皇帝詣香案前司香官跪進香贊引官奏上香

皇帝立上柱香次三上瓣香奏復位

皇帝復位奏跪拜興

以下行禮皆有奏

皇帝行二跪六拜禮王公百官均隨行禮奠帛行初  
獻禮司帛官奉篚司爵官奉爵進奏華豐之章  
司帛官跪奠篚三叩司爵官立獻爵奠正中皆  
退司祝至祝案前跪三叩奉祝版跪案左樂暫  
止

皇帝跪王公百官皆跪司祝讀祝畢詣

神位前跪安於案三叩退樂作

皇帝率羣臣行三拜禮亞獻奏興豐之章司爵官獻

爵奠於左儀如初獻終獻奏儀豐之章司爵官  
獻爵奠於右儀如亞獻徹饌奏和豐之章徹饌  
畢迺送

神奏錫豐之章

皇帝率羣臣行二跪六拜禮有司奉祝次帛次饌次  
香恭送瘞所

皇帝轉立拜位旁西嚮候祝帛過復位贊引官奏禮  
成恭導



皇帝出戟門陞輿不陪祭地方官跪送於廟門外不陪祭扈從官跪迎於

行宮門前

皇帝還

行宮衆皆退○

鑾輿所至方鎮及所過名山大川均遣官致祭儀與祭

地祇壇同○遇

國家大慶典致祭

嶽鎮海瀆以二品至四品京堂官充使以禮部太常  
寺筆帖式齋祝文香帛導以繖仗龍旗諏日發  
京師往祭東嶽泰山於山東泰安府東鎮沂山於  
青州府南嶽衡山於湖南衡州府南鎮會稽山  
於浙江紹興府中嶽嵩山於河南登豐縣中鎮  
霍山於山西霍州西嶽華山於陝西華陰縣西  
鎮吳山於隴州北嶽恒山於山西渾源州北鎮

醫巫閭山於

盛京廣寧縣長白山於黑龍江東海於山東萊州

府南海於廣東廣州府西海於山西蒲州府

望祭

北海於吉林

望祭

河瀆於山西蒲州府江瀆於四

川成都府淮瀆於河南唐縣濟瀆於濟源縣皆

帛一牛一羊一豕一登一鉶二簋簋各二籩十

豆十尊一爵三鑪一鐙二遣官前祭期致齋二

日將事行禮均與祭

地祇壇儀同○所在有司歲以春秋仲月諏日致祭  
牲用羊一豕一餘儀與遣官致祭

嶽鎮海瀆同○直省府州縣各建

神祇壇中設

雲雨風雷之位左設本境

山川之位右設本境

城隍之位歲以春秋仲月諏日致祭以帛七羊一  
豕一鉶二簠二簋二籩四豆四尊一鑪一鐙二

爵各三餘儀與直省祭


社稷同孟夏諏日行常雩禮如常雩後不雨自督撫至州縣咸率所屬致齋修省虔禱

神祇為民請命既應而報陳設禮儀均與春秋常祭同若久雨祈晴冬旱祈雪禮亦如之

欽定四庫全書

卷四十七

天神壇祈禱圖



天神壇祈禱陳設圖

雲師

四案同

麝

麝

麝

豆  
鹿  
醢

葡萄

桃仁

蓮  
鹿  
脯  
蓮  
紅  
果

榛仁

豆  
鹿  
醢

蓮子


燭

香  
篋  
帛

燭




天神壇報祀圖




天神壇報祀陳設圖

雲師

四案同



地旅壇祈禱圖



地祈壇祈禱陳設圖

五嶽

七案同



(商)



豆鹿醢

鹿醢

菊

桃仁

邊鹿脯邊紅棗

紅東

稔仁

豆  
鬼  
醢

鬼醺

華


燭

香

篚帛

燭

地祇壇報祀圖





凡祀

太歲之禮爲殿於

正陽門外之西歲以正月上旬諏吉及歲除前一

日均遣官

太歲之神正殿

神位南嚮帛一牛一羊一豕一登一釂二簠二簋二

籩十豆十尊一爵三琖三十鑪一鐙二牲俎帛

篚暴勺咸具四時十二月各有主者分祀兩廡

東廡司春秋為位六均西嚮西廡司夏冬為位  
六均東嚮兩廡各設二案每案帛三餘陳設與  
正殿同先祀一日樂部設中和韶樂於殿內分  
左右懸祀日日出前四刻遣官詣壇太常卿率  
所屬恭請

太歲神位出龕安奉神座啟十二月神龕畢贊引太  
常贊禮郎二人引遣官由拜殿南左門入出北  
門降階贊引官贊盥洗遣官盥洗引由正殿左



階升至門外正中拜位嚮上立贊禮郎各二人

引兩廡分獻官於遶中夾甬道左右嚮上立典

儀官贊樂舞生登歌執事官各共迺職

以下自迎神至

望燎皆典儀官唱贊

武舞八佾進贊引官贊就位遣官就

拜位迺迎

神司香官奉香盤進司樂官贊舉迎

神樂

凡舉樂皆司樂官唱贊後同

奏保平之章贊引官贊就上香

位引遣官入正殿左門詣香案前立司香官跪

奉香贊引官贊上香遣官立上柱香次三上辦

香贊復位引遣官復位贊跪叩興

以下行禮皆有贊

遣

官行三跪九叩禮分獻官均隨行禮奠帛初獻

爵司帛官奉篚司爵官奉爵進奏定平之章舞

千戚之舞司帛官跪奠帛三叩司爵官立獻爵

奠正中皆退司祝至祝案前跪三叩奉祝版跪

案左樂暫止遣官跪分獻官皆跪司祝讀祝畢

奉祝版詣

太歲位前跪安於案三叩退樂作遣官行三叩禮分  
獻官均隨行禮分獻官詣兩廡上香執事生奠  
帛獻爵畢分獻官退復位樂止武功之舞退文  
舞八佾進亞獻奏嘏平之章舞羽籥之舞司爵  
官獻爵奠於左儀如初獻終獻奏富平之章舞同  
亞獻司爵官獻爵奠於右儀如亞獻兩廡以次畢  
獻均如初樂止文德之舞退太常官贊

賜福胙執事生二人奉福酒福胙詣

神位前拱舉降由中門出立遣官拜位之右執事生  
二人進立於左遣官跪左右執事生皆跪右執  
事生授福酒遣官受爵拱舉授左執事生受昨  
亦如之三叩興偕分獻官行二跪六叩禮徹饌  
奏盈平之章徹饌畢送

神奏豐平之章遣官行三跪九叩禮分獻官均隨行  
禮有司奉祝次帛次饌次香恭送燎所遣官避  
立拜位旁東面候祝帛過復位樂作引遣官仍

由左階降詣望燎位望燎告禮成引遣官出分獻官以次退太常卿率所屬恭請

神位還御衆皆退○歲孟夏常雩後如不雨遣官祇告祈雨得雨報祀百官應陪祀者咸與均與

神祇壇同日舉行樂章迎神奏需豐奠帛初獻爵奏宜豐亞獻奏晉豐終獻奏協豐徹饌奏應豐送神奏洽豐○水潦祈晴冬旱祈雪禮亦如之

欽定四庫全書



欽定大清會典  
卷四十七



太歲殿祭祀陳設圖  
正位南嚮

芡 鹿脯 白餅 黑餅

蓬粟 栗 榛 菱

鹽 鱖魚

鑪

爵酒

釀醢

簋黍 稷

筐帛

俎 牛 羊

正位

爵三

釀醢

簋稻 粱

豕

豆 菁菹 鹿醢 芹菹 兔醢

菁菹 魚醢 脾析 豚拍

太歲殿祭祀陳設圖  
月將東西嚮

臠

蓬粟 栗 榛 菱

形鹽 鱖魚

爵酒

釀醢

簋黍 稷

筐帛 俎

羊

正月月將之神  
二月月將之神  
三月月將之神

爵十

釀醢

簋稻 粱

豕

鑪


正菁菹 鹿醢 芹菹 兔醢

菁菹 魚醢 脾析 豚拍

四案同




大歲殿祈禱圖



太歲殿祈禱陳設圖

報祀與祭祀同

正位



欽定四庫全書

欽定四庫全書  
卷四十七

欽定大清會典卷四十七